



Gimnasi da Mustér suonda il Rain

Il students claustrals han cumenzà il grond poject d'in viadi concertant dal Badus a Cologna.

5



Project litterar svizzer preschentà a Zuoz

Quest project litterar naziunal cumpiglia 26 quaderns ed 832 paginas cun poesias.

7

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuira, tel. 081 920 07 10, mail: redaktion-lq@suedostschweiz.ch

Incumbensas publicas mo per firmas cun emprendists

■ (anr/sda) Sch'ina firma occupa emprendists u betg duai en l'avengir esser in criteri per il maun public da surdar incumbensas e lavurs. Il cussegl naziunal ed il cussegl dals chantuns han approvà midadas da lescha en quest senn. Las duas chombras avevan gia dà il consentiment, ma igl era anc avert sch'il criteri valia per tuttas incumbensas e lavurs. Ier è il cussegl naziunal suandà il cussegl dals chantuns ed ha lubì ina reglamentaziun d'exceptiuns. La fatschenta po pia ir en la votaziun finala.

Nov è che la furmaziun d'emprendists vegn prendida si en il catalog da criteris per surdar incumbensas u betg. Il criteri sa restrenscha dentant sin acquisiziuns publicas che n'èn betg sutta messas a contracts internaziunals.

Il cusseglier naziunal Ruedi Lustenberger (pcd) ha dà il 2003 l'impuls per questa midada da lescha. Dapi ch'el ha inoltrà sia intervenziun è la situaziun dentant sa meglierada. Da lez temp mancavan piazzas per far in emprendissadi. Oz regia plitost ina stgarsezza d'emprendists.

Il Rock Resort ei secumprovaus

La fatschenta dallas pendicularas ei munglusa

DAD ANDREAS CADONAU

■ La strategia stipulada avon diesch onns dalla gruppa d'interpresas Arena Alva ei secumprovada. Malgrad in unviern mediocher ha la gruppa pudiu presenter bunas cefras da fatschenta per la stagiun 2013/14. Ina buna stad ed in schliet unviern han influenzau la fatschenta dalla Gruppa Arena Alva. En vesta alla stagiun passada, cun schliatas cundiziuns per il sport d'unviern gest duront las jamnas principalas dil meins fevrer, po la gruppa presenter fetg bunas cefras da fatschenta. Ellas ein vengidas a strada principalmein grazia allas fatschentas auxiliarias sco il Rock Resort.

Il model da vender las habitaziuns cun l'obligaziun da schar a tscheins la localitad ei secumprovaus e generescha in considerabel diember da pernottaziuns allas pendicularas ed alla regiun turistica da Flem/Laax/Falera. Reto Gurtner ha explicau a caschun dalla presentaziun dil rapport da fatschenta il margis vargau la necessitad dad investir vinavon en quei model.

Malgrad las bunas cefras, la fa-



Il Rock Resort a Laax/Murschetg porta las pernottaziuns avisadas.

FOTO A. CADONAU

tschenta da coc, quella dallas pendicularas cuntenta en negins graus. Il recav dallas empremas entradas po buc amortisar las consi-

derablas investiziuns dils onns vargai ell'infrastructura. In grond problem per la branscha dallas pendicularas grischunas, per quel-

las dalla Arena Alva in problem momentan in tec pli pign.

> PAGINA 3



Ilis proxims dis ei Flavia Schnoz da veser al final dil campinadi svizzer dils miradurs a Berna.

MAD

El final dils miradurs

Flavia Schnoz semesira culs megliers

DA HANS HUONDER / ANR

■ Ilis proxims dis han ilis campinadis svizzers da 70 professiuns liug a Berna. Denter las finalistas ed ilis finalists sesanfla era la miradura Flavia Schnoz da Mustér. La giuvna sursilvana ha surmuntau tuttas rundas da qualificaziun ch'èin stadass necessarias per saver separticipar al final a Berna. Ina miradura e tschun miradurs erueschan lur campionessa ni campion entochen dumengia suentermezdi. «Mia finamira era la qualificaziun pil final.

Quella ei gia contonschida. Tut quei che vegn uss aunc ei in supplement», di Flavia Schnoz che ha fatg igl emprendissadi da miradura tier l'interpresa da baghegiar Berther a Mustér e terminau quel uonn cun la nota da 5,3. El final spetgan lavurs pretensiusas sin las participontas ed ilis participonts. Flavia Schnoz ei ina miradura cun tgierp ed olma che construescha il pli bugen entuladas e mirs. La proxima finamira dalla Sursilvana ei la scola da polier che cuoza treis onns.

> PAGINA 3

Famiglias giuvnas pella zona Curtin a Tarasp

■ (anr/bcs) D'incuort ha gnü lö pro la surfabricaziun Curtin a Tarasp il di da las portas avertas. Las duos chasas sun fabricadas a fin e spordschan 17 abitaziuns da fittar e d'aigna proprietà. Il proget es gnü realisà da la Cooperativa da fabrica Curtin cun l'agüd finanziel e cun impraists dal cumün da Tarasp e da las bancas. Insemel cullas parzialas da la cooperativa e culla

vendita d'abitaziuns esa reuschi da rablar insemel la munaida per garantir la finanziaziun dal proget. Insemel cun duos chasas privatas ha il cumün da Tarasp pudü realisar lur böt e pussibilitar a famiglias giuvnas da tour domicil in cumün. Il parkegi as rechat in üna halla dad autos al principi da la zona Curtin.

> PAGINA 7



La surfabricaziun Curtin suot il Chastè da Tarasp.

FOTO B. STECHER

Investiziuns da 62 milliuns a Tinizong

■ (anr/gns) Da preschaint èn las Ovras hidraulicas da Turitg «ewz» vedlonder da sanar, modernisar e ramplazzar igls indrezs dalla centrala a Tinizong. Investos vignan per chellas lavours tgi cozzan gio si-va digl 2012 tuttegn 62 milliuns francs. Tgi igl «ewz» vegia investo ena schi gronda somma per sanar l'ovra a Tinizong seia er en cler confess tar igl li e

tar la regiun, ò menziuno Christof Oertli, igl manader dallas ovras hidraulicas digl «ewz» aint igl Grischun central. Durant las lavours da sanaziun, da modernisaziun e da digitalisaziun è la produczion digl current strousch stada restranscheida e schiglio angal parzialmaintg.

> PAGINA 11



Igls indrezs ainten la halla principala a Tinizong.

FOTOS G. N. STGIER



Servetsch d'abunents e da distribuziun: tel. 0844 226 226 mail: abo@somedia.ch